



## partii naleraq

UPA2016/96

19. maj 2016

**Tarnikkut nappaateqartut ikiorneqarusunngitsut imaluunniit nappaatiminnik paasinninngitsut tungaasigut tarnimikkut nappaateqartut, peqqinnissaqarfiup kommunillu akornanni attaveqatigiinnerit naalakkersuinikkut sukaterniarlugit qanoq ililluta pitsanngorsaasinnaavugut?**

(Inatsisartunut ilaasortaq Agathe Fontain, Inuit Ataqtigiit)

Inatsisartuni ilaasortap Agathe Fontain, Inuit Ataqtigiinneersup tarnimikkut nappaatillit ikiorserneqanngitsut, nappaatiminnillu paasinninngitsut ikiorserneqartarnissaannut pitsanngorsaamissaq pillugu apeqquteqaat aallaavigalugu oqallinnissamut siunnersuutaa Partii Naleqqamiit imannak oqaaseqarfigissavarput.

Inuiaqtigiit nukittuut tassaapput inoqatiminnik sanngiinnerusumik inissisimasunik inissaqartitsillutillu isumaginnittut. Pisussaaffigaarpullu sapinngisamik pitsaanerpaamillu inoqatigut ilungersunarnerusumik inuunillit paaqqutaralugillu oqilisaaffiginissaat, pingaartumillu ilaqaataasunut allanullu qanigisaasunut artukkiisinnaasarnerat millisaaffigissallugit.

Tassami inuit ataasiakkaat tarnimikkut nappaatillit katsorsarneqaratik inuiaqtigiinni naalliuuteqarlutik inooqataasut avatangiisertik sunnertarpaat, inunnullu qanigisaasunut nukippassuarnik atuiffinngorsinnaasarlutik. Taamaattumik peqqinnissaqarfiup kommunillu akornanni attaveqatigiinnerit nukittorsartariaqarput, inuppassuaqarmammi akornatsinni suli tarnimikkut nappaateqarnerminnik ilisimanginnittunik.

Inunnik isumaginninnikkut sulisussanik amigaateqaqigatta, suli sulisussanik pisariaqartitsinerujussuarput miserratineqarsinnaanngilaq. Peqqinnissaqarfinili kommuninilu inunnik sullissisuusuni pisussaaffiliinikkut, tassa inuit atugaannik kiisalu tarnikkut ikiorneqartarialinnik naammattoorsisoqarsimatillugu nalunaarutiginnittussaataitanissamik sukaterinikkut tamanna aaqinneqarsinnaavoq.

Soorlu oqallissaarisup oqaatigereeraa inoqarpoq naak tarnimikkut nappaateqaraluarlutik ikiorserneqarnermikkut nakorsaatilik atuinermikkut, inunnillu paasinnittunik ilaqarnermikkut ulluinnarni ajunngitsumik toqqissisimanartumillu inooqataasut, suliffeqarlutik allanillu sammisaqarsinnaasartut. Taamaattorli aamma inoqarpoq pisariaqartitsisunik, inoqarpoq ilaqaataasunik, qitornaasunillu qularnanngitsumik atugarliorlutik, avatangiisiminnut

inuaqatigiinnullu artukkiisunik. Sukaterinermi piviusunngortinngikkutsigu, inuillu pisariaqartitsigaluarlutik tarnimikkut nappaammik “ersinngitsumik” atugallit takunngitsoortuarterutsigit, ilaqtariinnut inuaqatigiinnullu artukkiinerat annerussaaq.

Aamma eqqaasariaqarparput tarnimikkut nappaatillit uagutsitulli naleqarmata, suliffillit allatigullu sammisaqartineqaraangamik ukiorpassuannortuni akunnermut 15 kruuniinnarnik akilerneqartarnerat naammaginangilluinnarpat aaqqinneqartariaqarlunilu. Minnerpaamillu akit qaffakkiartornerat naapertorlugu aamma qaffakkiartoqataasarnissaa qulakkeerneqartariaqarpoq.

Taamaammat kaammattuutigissavarput suleqatigiinnikkut pitsanngorsaanissaq pimoorullugu susassaqtut suleqatigalugit piviusunngortinneqassasoq.

Qujanaq